

Kominiti Dipelopen na Sastenabiliti

Frieda River Limited i wok lo mekim wok wantaim ol lokol pipol na Gavman bilong Papua Niugini lo wei we, dispela Frieda River Copper-Gold Project i ken strongim na lukautim gut ol kominiti arere lo projek eria bilong longpela taim..



Piksa i soim Frieda River kampani kem long Frieda Strip

Dispela Frieda River Copper-Gold Project i makim tupela bikpela samting. Wanpela em sans bilong Papua Niugini (PNG) lo bildim kantri lo kamap strong, na narapela em sans bilong Sepik rijen lo senisim wei bilong em lo develop gut.

Dispela Projek bai bildim ol strongpela ol kominiti we ol i ken wok gut, bikos projek bai karim kam ol samting olsem pablik infrastraksa, na dispela bai kamapim planti wok bilong ol manmeri na wankain tu planti sans bilong ol manmeri lo kamapim bisnis bilong ol yet.

Dispela Kampani i laikim olsem Frieda River Project i mas kamap, long wanem, em i ken bungim laik bilong planti kantri long wol we ol laikim stret kopa na ol narapela gutpela minerel lo graun. Kampani i bai mekim dispela wok bilong Projek long wei we ol i bai rispektim olgeta manmeri we dispela projek bai afektim ol, na tu ol i bai save rispektim na luksave long ol kastom na tumbuna pasin bilong ol lokol manmeri taim ol i mekim dispela Projek.

Long 2014 i kam inap nau, Frieda River Limited i mekim planti ol kominiti dipelopen program long halivim ol kominiti long sidaun gut na kamapim gut laif bilong ol yet. Dispela ol program i wok lo halivim ol kominiti long luksave gut long ol wei bilong stretim laif bilong ol yet na developim ol yet gut.

Insait long Papua Niugini, ol disisen bilong developim kominiti i save kamap insait long ol vilij plening komiti.

Long dispela ol bung, samting ol save tok "community participation agreement" i save kamap namel long Kampani na ol kominiti. Dispela agrimen i save tokaut long wanem wok or risponsibiliti bilong Kampani na kominiti na hamas moni dispela ol wok i bai nidim. Dispela ol program i save lukluk strong long impruvim ol helt na edukesen sevis na tu lukluk long ol manmeri husait i ken wok insait long dispela ol sevis so ol bai stap longpela taim. Dispela ol program tu sa lukluk strong long bildim ol infrastraksa we i ken sanap longpela taim long sapotim dispela ol sevis

OL MERI INSAIT LONG MAINING PROJEK

Long 2017 i kam inap nau, Frieda River Limited i bin bung wantaim Australian Department of Foreign Affairs and Trade

(DFAT) long kamapim dispela projek ol i kolim 'Women in Extractives Project' o lo Tok Pisin yumi ken tok 'Ol Meri Insait Long Maining Projek'. Dispela wok namel long Kampani na DFAT i bai strongim luksave long ol raits bilong ol meri long sait bilong moni na hau ol i stap insait long kominiti inap dispela Projek bai pinis.

Dispela projek i gat Community Leaders Forum. Em minim osem i gat grup bilong ol kominiti lida, na insait long dispela grup, ol meri bilong olgeta sevenpela kominiti long eria bilong projek i gat meri we i makim ol. Wantaim dispela ol meri insait long Community Leaders Forum, luksave nau i save go tu long ol meri na pikinini na wanem samting i save affektim ol insait long ol kominiti.

Frieda River Limited i strong long sapotim dispela program bilong ol meri bikos em bai halivim ol meri long sait bilong rid na raitim ol namba na leta. Dispela wei i ken mekim ol meri long dipelopen save bilong mekim bisnis na tu ol i ken stap insait tu long proses bilong dipelopen dispela Projek.

LUKAUTIM HELT

Long 2016, Frieda River Limited i bin bung wantaim Interplast Australia and New Zealand, na ol i bin halivim ol kominiti long projek eria wantaim 'life-altering plastic and reconstructive surgery'. Dispela em minim osem sampla lain lo kominiti we nus pes o bodi bilong ol i kisim bikpela bagarap lo faia o naif o tamiok o kain samting osem, dispela ol lain ol dokta stretim ol wantaim plastik so ol i ken gat sampla kain nomol laif gen.

Marasin na helt sapot i stap long halivim ol kominiti bilong projek eria. Dispela sapot kam long sait bilong ol Aid Pos na ol helt wok manmeri long Frieda River Gold-Copper Project eria we ol i redi tasol long halivim kominiti.

Frieda River Limited i save wok bung wantaim Telefomin Distrik Helt Sevis long sekim ol mama na pikinini bilong ol kominiti insait long projek eria. Ol i save sekim helt bilong ol mama na pikinini evri kota bilong yia, em minim fopela taim long wanpela yia.

I gat tu ol helt program we tokaut long ol kain sik olsem TB, AIDS na ol STI i save kamap.

EDUKESEN

Kampani i wok bung wantaim Telefomin District Education na ol Bod bilong wanwan skul long halivim wantaim edukesen insait long ol komuniti bilong projek eria.

Sampla wok we ol i mekim em ol program bilong impruvim ol praimer skul, ol i baim ol metiriel long lukautim ol klasrum na bilding, ol i sapotim ol tisa na famili bilong ol long sait bilong trenspot na tu ol i halivim ol sumatin long praimer, sekenderi na teseri skul.

Frieda River Community Affairs Team na Telefomin Secondary School i wok bung wantaim long halivim ol sumatin long go long praimer skul na stap pinisim dispela level bilong skul. Luksave long dispela program tu stap long ol skulmeri. Long traim long mekim ol papamama long gat bilip long skul sistem, Frieda River Limited wok long invest stret long impruvim infrastraksa bilong ol skul insait long Distrik na tu ol wok long givim bikpela sapot i go long ol tisa.

LOCALISATION

Frieda River Limited i save promotim 'localisation'. Em minim olsem Kampani i save luksave na halivim ol lokol manmeri long treinim ol na givim wok long ol. Dispela pasin i bihainim stret laikim na polisi bilong Gavman bilong Papua Niugini. Ol wok manmeri long Frieda River projek site em 100 pesen ol nesinol wok manmeri tasol.

OL LOKOL GAVMAN

Frieda River Limited i wok long strongim wok bung wantaim ol distrik edministresen bilong Telefomin na Ambunti. Ol wanwan lokol gavman representativ bilong tupela distrik wantaim i save attendim disla Frieda River Community Leaders' Forum everi 3 mun. Long dispela ol meeting, em ol sa toktok na plenim how long go pas long dispela Frieda River Projek.



Community Affairs Superintendent bilong Frieda River Limited, Tino Hombi, i givim ol medikal saplai bilong COVID-19 i go long Telefomin District Health Services.